



Қазақстандық заң консультанттары палатасына кіруге үміткер адамдардың аттестаттау тәртібі туралы ЕРЕЖЕ

1-тарау. Жалпы ережелер

1. Осы «Қазақстандық заң консультанттары палатасы» Заң консультанттары палатасына (бұдан әрі – Палата) кіруге үміткер адамдардың аттестаттау тәртібі туралы Ереже, Қазақстан Республикасының «Адвокаттық қызмет және заңгерлік көмек туралы» Заңына (бұдан әрі – Заң) сәйкес әзірленген, Палатаның ішкі нормативтік құжаты (бұдан әрі – Ереже) болып табылады және Палатаға кіруге үміткер адамдардың заңгерлік көмек көрсетуіне қажетті, кәсіптік білімі мен біліктілік деңгейін анықтау мақсатында, Палатаға кіруге үміткер адамдарды аттестаттау тәртібі мен шарттарын анықтайды

2. Палатаға кіруге үміткер адамдардың аттестаттауын Палатаның алқалық органы – Палата Басқармасы – Қазақстан Республикасының нормативтік құқықтық актілерімен немесе Палатаның ішкі нормативтік құжаттарымен оны өткізу үшін өзге мерзім белгіленбесе, Палатаға кіргенге дейін, Қазақстан Республикасы заңнамасын білуге кешенді тестілеу түрінде, оның ішінде Палатаның интернет-ресурсын және ақпараттық технологияларды пайдалана отырып қашықтықтан тестілеу арқылы жүргізеді.

3. Аттестаттаудан өтуден босатылады:

- 1) Қазақстан Республикасының Жоғарғы Сот Кеңесінің Біліктілік комиссиясында біліктілік емтихан тапсырған, сотта сәтті тағылымдама өткен және облыстық немесе оған теңестірілген сот пленарлық отырысының оң нәтижесін алған адамдар;
- 2) Қазақстан Республикасының «Сот жүйесі және Қазақстан Республикасы судьяларының мәртебесі туралы» Конституциялық заңының 34-бабы 1-тармағының 1), 2), 3), 9), 10) және 12) тармақшаларымен қарастырылған негізде судья өкілеттігін тоқтатқан адамдар;
- 3) Қазақстан Республикасының заң мамандығы бойынша ғылыми дәрежесі бар адамдар;
- 4) адвокаттық қызметпен айналысуға лицензиясы бар адамдар;
- 5) теріс мотивпен жұмыстан босатылғандардан басқа, прокурор немес тергеуші лауазымында он жылдан кем емес еңбек өтілі бар, прокуратура және тергеу органдарынан жұмыстан босатылған адамдар.

2-тарау. Аттестаттауды өткізу шарттары мен тәртібі

4. Қазақстан Республикасының заңнамасын білуіне кешенді тестілеу (аттестаттау) үміткердің қалауы бойынша мемлекеттік немесе орыс тілінде жүргізіледі.

Кешенді тестілеу жазбаша түрде, сырттай емес, белгіленген жерде және белгіленген уақытта немесе үміткердің қалауы бойынша Палатаның ақпараттық технологияларын қолдана отырып интернет-ресурсы арқылы компьютерлік техникаларын пайдалана отырып онлайн-тестілеу өткізіледі;

Палатаның орналасқан жерінен тыс орналасқан және аттестаттаудан сырттай емес өтуге тілек білдірген үміткерлер үшін, кешенді тестілеу Палатаның уәкілетті өкілдерімен, тексеруге және шешім қабылдау үшін сәйкес материалдарды Комиссияға жібере отырып жүргізіледі.

Палатаға кіруге құжаттарды 2019 жылғы 01 шілдесіне дейін берген адамдарды аттестаттау (кешенді тестілеу), 2019 жылғы 21 шілдесінен кешіктірілмей өткізіледі.

5. Кешенді тестілеуге ҚР Заңнамасының (Конституция, ҚР АҚ, ҚР АІК, ҚР «Неке (ерлі-зайыптылық) және отбасы туралы» Кодексі, ҚР ЕК, НҚА туралы заңнама, «Жеке және заңды тұлғалардың өтініштерін қарау тәртібі туралы», ҚР «Адвокаттық қызмет

және заңгерлік көмек туралы» Заңы) әртүрлі салаларынан 100 сұрақ кіреді.

Сұрақтарға үміткермен жазбаша түрде Аттестациялық комиссия мүшесінің (-лерінің) немесе Палатаның уәкілетті өкілдерінің қатысуымен немесе үміткердің қалауымен қашықтықта (онлайн) Палатаның ақпараттық технологияларын қолдана отырып интернет-ресурсы арқылы компьютерлік техникаларын пайдалана отырып жауаптар беріледі.

Кешенді тестілеуді орындауға үміткерге 90 минут көлемінде уақыт беріледі.

6. Кешенді тестілеуден өту кезінде үміткерге ақпараттық, арнайы және өзге де әдебиетті, байланыс құрадаын, сондай-ақ өзге де жазбаларды пайдалануға тыйым салынады.

Бұл ретте, Қазақстан республикасының заңнамасын білуіне кешенді тестілеуден (аттестациядан) өту кезінде бастапқыда үміткердің адалдығы және шыншылдығы болжанады.

Көрсетілген талаптарды бұзғаны анықталған жағдайда, үміткер комиссиямен ағымдағы аттестаттаудан шеттетіледі. Аттестаттаудан шеттетілген үміткер, осындай шешім қабалданған күннен 14 күн өткеннен кейін аттестаттауға қайта өтініш беруге құқылы.

3-тарау. Аттестаттау/ аттестаттамау туралы шешім қабылдау тәртібі

7. Ұсынылған сұрақтардың жалпы санынан дұрыс жауаптар саны 70 және одан жоғары болса, үміткер тестілеуден өткен болып есептеледі.

8. Алынған дұрыс жауаптардың шекті баллға сәйкестігін жазбаша жауаптарды тексеру алқалық орган – Палата Басқармасының отырысында жүргізіледі, нәтижесі хатшымен әрбәр үміткерге толтырылып және Басқарма Төрағасының қолтаңбасы қойылатын аттестаттау парағына енгізіледі. Аттестаттау парағында көрсетілген нәтиже бойынша, үміткерді (-лерді) аттестаттау немесе үміткерді (-лерді) аттестаттамау туралы шешім қабылданады, ол Палата Басқармасының отырысы хаттамасында көрсетіледі.

Аталған отырыстар соның ішінде, Палатаның ақпараттық технологияларын қолдана отырып интернет-ресурсы арқылы компьютерлік техникаларын пайдалана отырып немесе бейнеконференцбайланысты қолдану арқылы өткізілсе заңды болады.

9. Хатшы Палата Басқармасының отырыстары үшін қажетті құжаттарды дайындайды және аттестаттау қорытындысы бойынша Палата Басқармасы отырысының хаттамасын рәсімдейді, онда Басқарманың үміткерді (-лерді) аттестаттау немесе үміткерді (-лерді) аттестаттамау туралы, Палата мүшесіне үміткерді (-лерді) қабылдау немесе үміткерді (-лерді) қабылдаудан бас тарту туралы, соның ішінде Палатаның ақпараттық технологияларын қолдана отырып интернет-ресурсы арқылы көрсетіледі.

10. Алқалық орган – Палата Басқармасы мүшелері ерекше пікірге ие болуға құқылы, оны білдірген жағдайда, жазбаша түрде баяндалып және шешімге қоса берілуі тиіс.

11. Басқарманың үміткерді (-лерді) аттестаттау немесе үміткерді (-лерді) аттестаттамау туралы, Палата мүшесіне үміткерді (-лерді) қабылдау немесе үміткерді (-лерді) қабылдаудан бас тарту туралы Палата Басқармасы отырысының хаттамасына, отырыс аяқталғаннан кейін барлық Басқарма мүшелері және хатшы қолтаңба қояды, соның ішінде компьютерлік техниканы пайдалана отырып, Палатаның ақпараттық технологияларын қолдана отырып интернет-ресурсы арқылы.

12. Әрбір үміткердің аттестаттау бойынша материалдары, аттестаттық парақты қоса алғанда, аяқталғаннан кейін бір апта мерзімінде Палатаның Атқарушы органына аттестатталатын адамның жеке ісінде сақтау үшін беріледі.

14. Кешенді тестілеу қорытындысы бойынша, қажетті балл жинамаған адам, келесі кешенді тестілеу өткізу кезінде қайта өту құқығына ие, сондай-ақ Палата Басқармасына нәтижені қайта қарау туралы шағым беру құқылы.